



Gradska izborna komisija

Saopštenje za građane vezano za mogućnost glasanja na Općim izborima 2022. godine putem mobilnog tima

Gradska izborna komisija obavještava građane Grada Lukavac da je u toku provođenje aktivnosti evidentiranja birača koji su zbog starosti, bolesti ili invalidnosti vezani za svoje domove, a u cilju omogućavanja istim da na Općim izborima, koji će se održati dana 02.10.2022. godine, glasaju u svojim domovima putem mobilnog tima.

Da bi ostvarili pravo glasanja putem mobilnog tima pomenuta lica su u obavezi da se u što kraćem roku, na odgovarajući način, prijave vijećima mjesnih zajednica u kojima žive ili Gradskoj izbornoj komisiji. Nakon toga, Gradska izborna komisija će, u skladu sa definisanom procedurom, blagovremeno izvršiti obilazak svih lica kako bi utvrdila njihov status i u skladu s tim, potpisivanjem posebne izjave, potvrdila njihovu volju da na dan izbora glasaju u svojim domovima putem mobilnog tima.

Pravo na glasanje putem mobilnog tima mogu ostvariti samo ona lica čiji podaci od strane Gradske izborne komisije Lukavac budu uneseni u posebnu aplikaciju i to u krajnjem roku kojeg određuje Centralna izborna komisija Bosne i Hercegovine, zbog čega je važno da se sva zainteresovana lica za ovaj vid glasanja prijave u što kraćem roku.

Radi evidentiranja naprijed navedenih birača potrebno je Vijećima MZ ili neposredno GIK-u dostaviti sljedeće podatke: **ime i prezime birača, ime oca birača, JMB, tačnu adresu prebivališta, odnosno boravišta za raseljena lica (obavezno ulica i kućni broj, naseljeno mjesto), broj telefona, medicinsku dokumentaciju o bolesti ili invalidnosti birača kao uslov za njegovo kućno liječenje.**

Navedeni podaci se mogu dostaviti na adresu Gradske izborne komisije putem pisarnice Grada Lukavac ili na mail adresu oik.lukavac@hotmail.com, najkasnije do 31.08.2022. godine, kako bi GIK u saradnji s Centrom za birački spisak sačinila plan obilaska birača radi prijedloga upisa istih u izvod iz Centralnog biračkog spiska za glasanje putem mobilnog tima.

Gradska izborna komisija Lukavac napominje da su, u skladu sa članom 20. Pravilnika o upotrebi i izradi izvoda iz Centralnog biračkog spiska („Službeni glasnik BiH“, broj: 27/22), sve ustanove koje djeluju na području Grada Lukavac, a koje u okviru svog rada i djelovanja pružaju usluge brige za stara i iznemogla lica (domovi za stara i iznemogla lica, ustanove socijalnog staranja, gerijatrijske ili druge zdravstvene ustanove i tome slično), u javnom ili privatnom vlasništvu, potrebno da Gradskoj izbornoj komisiji Lukavac dostave podatke za sva lica koja su vezana za ustanovu, a koja imaju pravo glasa na predstojećim Općim izborima, a sve s ciljem da se istima omogući ostvarivanje prava glasanja putem mobilnog tima. Podaci se dostavljaju direktno u sjedište Gradske izborne komisije Lukavac (Trg slobode broj 1, 75300 Lukavac), u što kraćem roku.

Napominjemo da bez svih traženih podataka Gradska izborna komisija neće moći izvršiti potrebne provjere i sačiniti Izvod za glasanje putem mobilnog tima.

Predsjednica GIK
Bajrić Izeta, dipl. pravnik



ISO 9001:2015
No. 308550 QM15

Grad Lukavac - Gradska izborna komisija,
Trg slobode 1, 75300 Lukavac
www.lukavac.ba, e-mail: oik.lukavac@hotmail.com
Tel. +387 35 553 253, fax: +387 35 366 731



ISO 9001:2015
No. 308550
QM15